

La schlatteina HENDRY

Tenor il cudisch retic da nums, edius da Konrad Huber (Casa editura Francke, Berna, 1986) ei la schlatteina HENDRY documentada dapi igl onn 1380.

Entgins exempels dettien la cumprova:

- 1380 Jennin Hainrich, Tujetsch
- 1500 Petter Heinrich, Tujetsch
- 1536 Jacob Anrigk, Breil
- 1540 Jan Hendrych, Siat
- 1659 Jon dil Hendri, Trun
- 1694 Franciscus Hendri, Tujetsch / Camischolas

Pervia dalla sempladad tucca ei da scriver il num HENDRY aschia, sco la scripziun sedat pressa-pauc naven dils anno 1920.

Il num Franciscus HENDRY (1694–1756) ei registraus en Tujetsch el cudisch da batten (archiv parochial); el ei naschius ils 6 da matg, feigl da Jacob HENDRY (1660–1711) e da Anna Maria Lorez ex valli s.Petri (Val sogn Pieder).

Duront ils onns che suondan (1694–1723) ein sis lingias (tenor indicaziuns el cudisch da batten ed el cudisch da lètgs) dalla schlatteina HENDRY sefatgas en la Val Tujetsch. Ein ils descendentas dallas ulteriuras tschun schlatteinas setratgs naven u morts ora ? Ei selai supponer ch'els seigien morts ora. Ton che la lingia da Franciscus HENDRY e da sia dunna Emerita Maler (ha la schlatteina Maler da far enzatgei cun il Pez dil Maler en la cadeina dall'Adula ni forsa cun il „moler" Felici Diogg da Tschamut ?) ha pudiu semantener ella val, mo ella persula.

E quella lingia directa va vinavon cun Jacob Andriu HENDRY (1746–1805). Jacob Andriu HENDRY ei igl urat dallas duas lingias principalas ch'ei sesviluppadas a Cavorgia, numnadamein quella da:

Vigeli Giusep HENDRY (1784–1866)

e l'autra da

Duri Vigeli HENDRY (1796–1860)

Igl exempel declari:

Ils dus purs da Cavorgia, numnadamein:

Placi Sigisbert HENDRY (1916–1986)

e

Gaudenz HENDRY 1917

ein davart dalla famiglia HENDRY basarins.

Effectivamein denton ein els zavrins, essend ch'il tat Gion Antoni Schmedt (1846–1933), bab dalla mumma dil Gaudenz e la tatta Meia (1844–1903), mumma dil bab dil Placi Sigisbert, ein stai fargliuns.